

《佛說內身觀章句經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 15, No. 610

No. 610

佛說內身觀章句經

失譯人名在後漢錄

一切一其心	皆聽美言訓
佛所從得道	且聽我彼經
彼空亦不斷	有行皆非常
夫行不敗壞	佛以講授經
深微難見事	非章原之句
通彼能敷演	是以故為師
從本以存本	有造法之積
從慧以除棄	上士所講說
所從因緣有	有行皆無有
亦有前世除	無知彼諸行
亦如欲演身	日親之所講
大災患無數	皆以歸流身
刪定如本文	所演眾要言
靡麗五字句	明誓以勸勉
以頌文具足	偶字音商備
若花實雜糅	皆聽彼我誨
身非人非命	不丈夫非士
若體若不艷	斯事都無彼
夫身造而有	以有即敗亡
無強皆歸命	如沫蹈踐碎
無強則無常	無常即無樂
無常亦為苦	非身身非我
身非常亦苦	非彼應為身
若體艷我有	身都無可有
若以都無體	有存亦有亡
慧者以本末	何彼已有體
若以無主者	不得以自由

有校計若此
斯體身為空
應因緣為有
非眾人身造
都無身有造
以身無造者
亦非都骨節
從前世方來
非神所化城
無因為自有
有事亦有物
稍稍為生有
心與愛有漏
行二品為漏
世與受因緣
以漸能致有
精沫為轉凝
以兩為轉厚
為生頭第五
從行為用成
頰頰為二骨
齒三十二骨
鼻為與上腭
凡為骨八十
咽亦為骨四
凡有骨五十
應有十三肋
應有肋十三
三三三相連
其餘不相連
如束葦無彊
尻與腰為三
骨為二十五
為骨二十五
凡三百二十

何彼體我有
體我有為虛
非身逝心造
亦非自身造
亦身無不造
從彼為得諦

亦非天造身
非無行無本
是身有所由
有本有所起
本以癡亦愛
亦有縛亦結
斯為本亦餘
以由彼斯身
初始有精沫
足為生兩兩
以序有四體
若干骨積聚
頭九為髑髏
齒根三十二
頰為與耳本
心與頰喉
頰車與頰四
左臂與右臂
若其斯左脇
亦斯右脇然
斯為四十八
二為二相連
身者以為彊
脊膂三十二
若其斯左脾
右髀為亦然
肩髀有骨四
敷演名之諦

佛以日斷嗣
諸根為以縫
肉血以塗搽
為如幻師幻
以筋纏縛成
以為是形體
智者而不著
九孔為大瘡
不淨腐臭處
滿之以諸穀
以進若干腑
塵埃亦皮革
為凡筋與脈
大腸亦小腸
脂膿亦大便
鼻涕膏亦血
肱之與肱膜
如泥塗老牛
身之內與外
肉血為塗嚴
恒為以內外
以為貪其肉
皆以多尤彼
譬如久故城
壞如已復壞
恒盜賊俱止
身為毒虺穴
恒于身居止
孚不和大毒
恒以和安隱
須與復不安
嫌而有恐畏
有畏多恐怖
為一切苦器
斯身主為受

彼段悉以聚
非瘡而裹之
如木機關縷
骨機關亦然
合聚骨若此
愚者莫不著
生革以隱蔽
周匝為滲漏
口啄如為孔
是身為若此
毛髮與爪齒
骨節亦骨髓
胃與心亦脾
肝與肺亦腎
淚與唾亦汗
寒熱肪小便
皆以沈沒彼
如其成不知
夫城骨與牆
為怨所破壞
彼央若干百
其外亦災害
斯身腐敗壞
晝夜供侍之
如坎與空聚
取之欺殆人
夫毒虺劇毒
喜怒毒奸弊
正使滿百歲
忿則無反復
斯身為災禍
如虎遊荒澤
諸念為以仰
亦為諸劇事
沈於苦之法

一切諸病宅	為老死之法
身為增恩愛	苦以寒與熱
或風而不和	是則病如生
為敗壞諸根	失疾賊害人
老死笞厄人	如雪聚得火
疾而為解釋	斯若此無數
身之多災禍	吾所演一切
未能已備具	要以為諸苦
腐身為不實	多因緣以成
大耶以為軀	

十一因緣章

佛言。行者有十一因緣。滅道制令人不墮惡道。當不識者。謂萬物。一為大會。謂人眾。二者多食。謂諸美。亦謂過飽。三者為多行。謂多業。四為多喧。謂多語。五為多睡眠。六為會聚。謂禪中。七為習行。謂多事。八為愛身。九為輕。謂非法語。十為貪謂多欲。十一為不好善處居。謂惡人中。行道者當斷是十一因緣。得道疾